



IN FESTO

SANCTI GUILLELMI ABBATIS.

DUPLEX.

Omnia de Communi Confessoris non Pontificis

præter sequentia.

ORATIO.

DEus, qui infirmitati nostræ ad terendum salutis viam in sanctis tuis exemplum, & praesidium collocasti: da nobis, ita beati Guillelmi Abbatis mérita venerári, ut ejusdem excipiámus suffrágia, & vestigia prosequámur. Per Dóminum nostrum Jesum Christum Fílium tuum.

*In I. Nocturno Lectio-
nes de Scriptura occu-
rrente.*

In secundo Nocturno.

Lectio iv.

Guillélmus Nobíli-
bus Paréntibus Ver-
célis in Insúbria na-
tus, vix quartumdé-
cimum ætatis annum
expléverat, cúm miro
quodam pietatis ardore
flagrans Compostella-
nam peregrinaciónem ad

celebérrimum sancti Jacóbi templum aggréssus est. Quod iter unâ amictus tunicâ, ac dúplici férreo circulo præinctus, nudisque pédibus prosecútus, aspérrima frigoris, & æstus, famis, & sitis summo cum vitæ discrimine perpéssus est incómmoda. Réversus in Itáliam, novam ad Sanctum Domini sepúlchrum peregrinationem molitur; sed quóminus propósitum exequátur, vária, atque gravíssima intercédunt impediménta, divino Numine ad altióra, & sanctióra religiosam juvenis indolem retrahén-te. Porró in Solículo Monte biénnum inter assiduas preces, vigilias, chameunias, & jejunia commoratus; divina sub-

nixus ope, cæco lumen restituit, cujus miraculi fama percrebescénte jam Guillelmus latére non poterat; quare iterum Hierosólymam cogitat, & álacris se itineri committit. *H.* Hónestum.

Lectio v.

Dei autem mónitu, qui eidem apparuit, á propósito revocátur, utilior, ac fructuósior tam apud Italos, quam apud éxteras Natiónes futurus. Tum Monastérium in Virgiliáni Montis cacúmине, quod deinde virginis est appellátum, loco áspero, & inaccessó mirándâ exædificat celeritáte. Socios deinde viros, & Religiosos adsciscit, eósque ad vivendi normam

Evangélicis præceptis, & consiliis summóperé accommodatam ; tum certis légibus, ex beáti Benedicti institutis magna ex parte desúptis, tum verbo, & sanctissimis vitæ exémpis infórmat. ꝛ Amavit.

Lectio xj.

A Liis deinde Monastériis eréctis, clarior in dies Guillelmi facta sánctitas, multos ad eum úndique viros perdúcit; sanctitatis odore, & miraculorum fama alléctos. Nam muti loquelam, surdi auditum, áridi vigorem, varioque, & immedicábili morbo laborántes, sanitatem ipsius intercessione recepérunt. Aquam in vinum convértit, aliaque complúra mirabilia

patravit ; inter quæ illud non siléndum, quod muliérculâ ad ejus castitatem tentándam missâ, in ardéntibus prunis humi stratis illæsum se volutavit. De qua re cértior factus Rogérius Neápolis Rex in summam viri Dei veneratiónem addúctur. Denúm ténpore sui óbitus Regi, aliisque prænuntiáto, innúmeris virtútibus, & miraculis clarus obdormivit in Dómino, anno salutis millésimo centésimo quadragésimo secúndo.
ꝛ. Iste homo.

In tertio Nocturno.

Homilia in Evangelium. Ecce nos reliquimus omnia, de Communi Abbatum. Missa, Os justit, de Comm. Abbatum. Oratio propria ut suprá.

*Cum Serenissimus Sardinie Rex per suas peculi-
 ares litteras Sanctissimo Domino nostro Pio
 Papæ VI. non minús pié, quám enixé suppli-
 caverit pro extensione ad utrumque Clerum
 Ecclesiæ universalis Officii, & Missæ de
 Communi Confess. non Pontif. cum oratione,
 & lectionibus secundi Nocturni propriis; nunc
 denuo de mandato Sanctitatis suæ revisis, &
 correctis sancti Guillelmi Abbatis Fundatoris
 Benedictinæ Congregationis Montis Virginis;
 Sanctitas sua benigné precibus annuens, au-
 dito etiam R. P. Carolo Erskine Fidei Promo-
 tore, ad relationem mei infrascripti Secreta-
 rii, petatum Officium, & Missam recitand.
 ac celebrand. singulis annis die vigesima quin-
 ta Junii in memoriam ejusdem S. Guillelmi
 Abbatis ab omnibus tam secularibus quam
 Regularibus utriusque sexus Christifidelibus,
 qui ad Horas Canonicas tenentur, sub ritu du-
 plici minori, servata tamen Rubricarum dispo-
 sitione, præcepit. Die 24 Augusti 1785. =
 J. Card. Archinto, Præfectus. = Loco ✠ Si-
 gilli. = Julius Maria de Somalia S. R. C. Sec.*

